

擇

石

齋

文

集

藕石齋文集卷第五

秀水 錢載 坤一

序一

乾隆二十三年

起居注冊後序

皇上大孝通於神明至仁浹乎民物

文德誕播

武功丕昭

天行之健日愼一日

郵隆之治日盛一日以迄于今二十有三年矣龍集戊寅春

正月上辛

祈穀首重民事也三月之吉

耕藉田

特飭除綵棚崇儉以示民

親製詔詞淵乎醇古軼漢而上孟夏

常雩禮成若夫有事於

園丘

方澤有事於

太廟精享於

社稷

朝日暨黑龍潭雨澤之禱凡以爲民固積歲而益虔實光

前而

孝達維春

躬謁

東陵

西陵申永慕式

詒謨由是釐工熙績以天下養以上承

慈寧歡內起居注觀鑑競渡之奉昇平佳節

慶洽天人問

安上

壽怡愉彌摯迺舉

經筵發

御論彙千聖百王之心傳用廣教於臣士夫孝爲德之本而

仁爲德之元我

皇上錫類敷仁訖於四海九州萬國以故由近徹遠自中徹

外

文德之盛廓爲

武功伊犁底定後

命將勦阿逆之竄搜餘孽旣阿逆伏冥誅俄羅斯謹稟約謹獻尸告邊吏先是丁丑

王師宣

上德威哈薩克左部稱臣貢馬至是

駕秋獮于木蘭布魯特使臣來朝于布固圖昂阿先是乙亥平津夷噶爾藏多爾濟等丁丑哈薩克使臣根札噶喇等皆來朝于此今布魯特使臣又適來朝于此爰

賜名其峪曰伊縣嘉乃地靈之神奇伊縣耆國語謂會極歸極也 鑾回

御殿布魯特使臣列班舞蹈于庭復

幸盤山哈薩克右部暨塔什罕使臣俱至朝於山莊於是
大閱南苑俾諸外藩使臣咸得拜觀赫揚
聖武繼霍集斯伯克之子漠咱吧爾來朝
賜冠帶除夕宴外藩諸回部新降臣與焉
天庥滋至

聖德靈承先事豫圖洞機神應六月

特旨派兵撥馬將以更易久在行間者而將軍奉

命定回部之逆酋大小和卓木既克庫車存沙雅爾定阿克
蘇略烏什收和闐直抵葉爾奇木城下過河者纔四百人斬
將擎旗築堡黑水固守三月以待仰憑

神略師早在塗一趨進而已卯春正月夜擣賊營內外夾攻
解黑水圍遂以奏拔達克山之捷回部悉平闢疆二萬里神

哉

廟算己卯十月之集勦實賴戊寅六月之先幾有以制勝於萬全至夫蠲租緩征加賑或借給牛具籽本直隸江南福建河南山東山西隨地措宜動費帑金鉅萬豫省加賑至三百餘萬截漕則總一千三百二十餘萬石蓋十倍于康熙雍正間陝甘以軍務蠲賑尤倍甘肅至豫免己卯之租況于恤兵減刑京師則五城平糶而豫省河道全工方存督竣又開放駱馬湖尾閘芒稻開爲諸湖入江路宣洩通暢皆勒碑其濱於是大江以南年穀順成復延頸跂幸

允以庚辰春重舉

巡典問我吏民至矣哉

聖澤覃敷不遑寧逸乃

隆禮逮下于薨位者

臨視而奠于引年者

賜帑有詩孚感幽遐百度惟貞矣猶復以薄蝕

特詔求言書曰謙受益易曰謙尊而光我

皇上敬

天法

祖親賢愛民心周事先更心周事後維

仁德之大維

孝德之至德盛功隆生民未有臣等謹拜手稽首曰

九如

天保以垂庥于萬年茲編記

起居二十四卷藏之金匱推闡

聖政所原本洵莫罄形容也夫

宗廟考序

臣謹按天子宗廟之禮所重親饗至我

朝特隆焉唐以太宗貞觀之治親饗廟者二三年正月戊午

十七年四月庚寅耳自後合十七宗而親饗三十四

馬端臨謂唐宗一王庶廟

土海作二咸通元年十一月丙子又四年正月己巳也

宋自太祖親饗四合十二宗而親饗者八

十五然眞宗之十二親郊朝郊朝享及告行告謁恭謝均非

時享祫禘之正祭仁宗之十三亦朝享及恭謝而親行祫祭

者一馬端臨所謂累朝惟此一親行也蓋宋之朝享太廟皆

郊前之祇告故每于十一月行之而正祭則未嘗親行我

太宗文皇帝肇建

太廟於盛京崇德改元四月丙戌大饗後八年之中親饗

二恢恢乎大一統之規模也

世祖章皇帝定鼎京師立

太廟御宇十八年時享親行二十八方順治十六年始行祫祭而親祫二

聖祖仁皇帝御宇六十一年時享親行八十二祫祭親行三十二

世宗憲皇帝御宇十三年時享親行三十祫祭親行十一

皇上御極乾隆元年至二十五年時享親行三十九祫祭親行二十五是皆正祭而凡因事親告者不在此數於戲至仁至孝至誠至敬之心永傳爲

家法仰溯成周而後廟禮未有若斯之盛者也且今所行者皆推本於

太宗文皇帝所定制也維時

聖節忌辰則以祭且薦新也元旦清明中元除夕卽時享也

世祖章皇帝撫有天下追尊

四祖皇帝歲七享

太廟孟春諏吉清明四月七月十月之朔除夕

萬壽節則猶

太宗時制也至十三年建

奉先殿而曰獻食月薦新朔望時節

聖誕忌辰元旦冬至

萬壽節及諸慶典俱以行於

奉先至十六年始祫而除夕之享乃卽大祫矣

聖祖仁皇帝

世宗憲皇帝以來迄今每歲四孟享

太廟與除夕前一日祫祭而五則固皆崇德所行之精意以遞酌而歸于至中昭其大文焉逮

世宗憲皇帝卽

壽皇殿虔供

聖祖仁皇帝聖容

孝思純篤以時瞻拜於是始有

神御之奉

皇上深推

世宗憲皇帝聖孝之心重建

壽皇殿以竝奉

太祖高皇帝

太宗文皇帝

世祖章皇帝

聖祖仁皇帝

世宗憲皇帝聖容暨

列后聖容又先卽

圓明園崇建

安佑宮奉

聖祖仁皇帝聖容而敬以

世宗憲皇帝聖容配於是
宮中苑中

神御之奉乃上推而胥愜乎情與禮之極則丕丕哉

聖孝繼述佑啓于萬年者也且復卽

避暑山莊

聖祖仁皇帝歲臨之 御苑建 永佑寺以虔奉

聖祖仁皇帝聖容則所爲齋禱而思其居處思其志意樂嗜

禮得其所必備而情得其所必伸蓋夫

神御之奉固由饗 廟親行至仁至孝至敬之一心推之以無乎不達者矣

羣廟考序

臣謹按 等恭纂

皇朝文獻通考內宗廟考彙本于乾隆二十七年閏五月十

八日恭進十九日奉

上諭續文獻通考館纂進彙本朕閱宗廟考一門內附入致

祀歷代帝王及本朝臣下家廟顧名思義于輯書體例何居

蓋旣以宗廟冠部則惟

太廟時祫典有尊崇方稱經常不易至

奉先殿之禮重家庭

壽皇殿

安佑宮

永佑寺之慶奉

神御于宗廟考中敬從附載尙爲不失禮以義起之文若撫
入歷代及臣下非惟其制絕不相蒙揆之分門本義亦復何
取即云承用宋臣馬端臨舊式而往代儒生之識于大與承
克折衷盡善類此者政復不少又豈得違禮而曲泥之朕意
當于宗廟考專門備詳定制外其餘不應附入者別立羣廟
考一門隸之俾名義既得所安而其書亦足垂遠館臣可錄
朕旨竝登卷中欽此臣等恭繹

諭旨仰見

皇上聖裁超越明禮辨分卽一書之改定而於禮之大典秩然其有序於書之大體犁然其各當惟勿雜勿遺乃允歸于至善今敬遵

訓示專輯宗廟考既重加修飭而別立羣廟考以列于後首載

歷代帝王廟昭備禮焉康熙六十年四月

聖祖仁皇帝詔增祀典迨

世宗憲皇帝初元爰定伏羲氏迄有明非偏據不入正統者皆奉主入廟蓋自有帝王之祀于斯爲至次諸臣祠

列朝褒勳卹節諸臣宏被

恩施

世宗憲皇帝勅建昭忠祠賢良祠允曠古鉅典我

皇上錫禮酬庸屢申慎重川以廣厲百職興起來茲是皆歲

春秋聲薦頒諸常祀若夫特行于歷代帝王與賢臣暨

本朝諸賢臣總曰特祀則不必于其廟祀也禮及陵墓皆咸

附而殊禮之昭始備然後載京師王廟京師功臣祠此

則家廟猶古者諸侯之廟禮也然後載家廟之儀若親王世

子郡王家廟貝勒貝子宗室公家廟品官家廟至庶士家祭

庶人家祭而大夫士庶之廟禮胥在統之于

一王守之于萬世夫乃得窺

聖天子議禮精意俾我臣庶于羣廟考識禮之所以大則益

于宗廟考識禮之所以尊矣

華石齋文集卷第五

終

擇石齋文集卷第六

秀水錢載坤一

序二

廣西鄉試錄序

欽惟

皇上聖臨萬寓

文德武功光昭中外經緯精密纖隱必周乾隆丁丑疊奉

諭旨申嚴鄉會試磨勘改定三場發題之制務核實以拔真

才其鄉試自己卯科始今歲屆期

欽命臣載偕臣斐峻典廣西試事伏念臣西浙庸愚由乾隆

壬申

恩科二甲一名進士蒙

一
卷之六

皇上天恩拔置詞垣嗣於

御試暨引

見屢蒙

天語垂詢臣幸獲叨祿未有報效丁丑會試蒙

恩充同考官戊寅春

御試詞臣蒙

欽列優等冬月

命署日講起居注官今歲京察蒙

予加級茲又恭奉

恩命益切悚惶爰偕臣震峻星馳抵境入闕監臨則兵部侍

郎兼都察院右副都御史巡撫臣鄂寶協同點名則承宣布

政使司布政使臣葉存仁提刑按察使司按察使臣申夢璽

提調則分守蒼梧道管轄桂平梧鬱兼理驛鹽事務臣富明
安監試則分巡左江兵備道臣張日譽內監試則慶遠府理
苗同知臣徐良謹遵功令整飭條理進提督學政翰林院
編修臣鞠愷所錄士二千四百有奇局院而三試之臣載偕
臣雯峻率同考官知縣臣王曰廣臣楊方壽臣揭承堯臣楊
鳳騰臣汪元均臣邱堂臣顧旭明臣高文芳臣沈作霖臣張
昌蕃盡心校閱取中正榜四十五名副榜九名既放榜錄文
十九首詩一首恭呈
御覽臣載拜手稽首颺言簡端竊以國家用人之難在于
得人之難設科賢路之一也一省鄉試天下之一也顧其初
皇上親加試定考官又前後自釐正文體至剔防諸弊靡一
不關

聖慮由是內而禮臣外而監臨諸臣下及襄事者悉給而考官始泣事且一切經費未放榜既放榜凡所以待考官士子將事諸臣者儀數特榮追舉人赴禮部諸臣且竣事矣又復上塵

宸衷

欽定磨勘蓋近乎是省磨勘畢而統計上下成勞已閱三時夫乃得此一榜之人顧此一榜之人莫必其皆賢也莫必其皆成進士而皆登仕路也其登仕路而賢可任小賢可任大則固將以收得人之效其任小而躡蹶也則人一費矣其任大而終愆也則人又一費矣必其任大而可久之且至數十年夫乃是科上下所萃注之心力祇于斯人收全效焉然必斯人之大賢而實有裨于國計民生者乃足以當之則槩較

一榜所得能必其有乎能必其多乎則甚矣得人之難也儻其閒眾不必賢而一旦不肖焉不必其大也第令他日其鄉里有追咎某科之所得者則考官卽負疚靡涯何可塞責臣於校閱據臣識見所能及互相審辨而特以人情習常漫謂爲三年一舉之榮名是以敬謹質言其本末廣西在京師南七千四百里外三江五嶺盤互鬱紆臣出京師見畿縣渴雨得霑足耕犁歡然咸知感

皇上

大雩格

天以生萬民由是黍粱瓜蔬木棉稻苗接河南境青齊瀋望渡江而武昌而岳州而長沙繡脰沃衍相錯于連峯晴翠閒稂稻高及人身香風溢吹徧野男婦收割驛程景物之可樂

日戴

君恩及過衡岳之陽零陵江山之勝迤邐入廣西匯秀乃不可名狀碧湘婉流東北崇巒大嶺夾趨西南行長松百里之陰豁然沃野中闢而光天清氣益然和粹其間臣意山川完固若斯自漢以來所產人物猶未埒他省我國家文教涵濡百年其厚所積者固且歲以發矣

聖德誕敷賁及草木土姓皆興仁讓諸蠻亦入膠庠則夫挺生人傑翊我

皇猷揚越之邊諸山川之靈其濟濟然以次獻秀于太平極盛之候也哉維時臣斯土各兵部尚書兼都察院右都御史總督廣東廣西等處地方軍務兼理糧餉臣李侍堯提督廣西全省水陸軍務統轄各路漢土官兵總兵官臣史宏勳鎮

守廣西左江等處地方管轄漢土官兵總兵官臣段起賢鎮
守廣西右江等處地方總兵官臣王運洪廣西分巡右江道
臣祿寶桂林府知府臣布勒亨例得備書署日講起居注
官翰林院編修加一級臣錢載謹序

江南鄉試錄後序

乾隆三十年六月禮臣疏請江南考官

欽命工部右侍郎臣宗文爲正臣載爲之副臣材質庸下叨
列詞林蒙

皇上加恩優渥充講官職右史備宮僚屢預校文今年春
聖駕南巡二月奉

行在

旨擢學士榮幸已極茲復荷

天獎畀以大省司衡感激益切宗文偕臣馳驛入闕率十八
房同考官祇慎將事八月十三日外簾進卷九月十一日放
榜舉江蘇六十有九人安徽四十有五人副榜者共二十有
二人錄文恭呈

御覽臣循例謹序于後伏念 國家設官分職內外大小皆
惟正人科目以取人所憑者黏名易書之文故欲其人之自
範于正必先其文之不詭于正而後庶幾其什之得一也雖
然若司衡者之學識止于是則失之其文卽失之其人矣臣
齋沐渡江禱於江之神上惟

祖

宗朝以來培養深厚

聖天子文德隆盛思賢若渴大江南北山川出雲必有端碩

之士應

昌運而以歲發軔者願神之默佑其愚不爽鑒別蓋臣實懼

不克以勝任洎閱卷宗文暨臣先分經以校同考官所薦各

合二三場詳定亦卽互較第憑本房之薦固不敢輒以薦爲

不足憑亦不敢故有盡搜其所落者亦有不盡搜其所落者

江以北之文多樸江以南之文多秀斯則山川之風氣然矣

樸者去其窒秀者去其浮樸而秀則惟望其人之質有文也

秀而樸則惟望其人之文有質也蓋就臣之所見則如是且

比歲

功令慎重磨勘臣閱卷時不敢徒以瞻顧磨勘條例爲竟事

也盡力以用其所明猶恐不及臣惟知求此中有正人可以

供國家器使者夜鐙青熒肅肅乎臨之其在上質之其在

旁仰惟

聖天子鴻文覃敷雅化周于四極山川百靈其必有以效職而呈才也臣臨序不勝悚惕之至日講起居注官翰林院侍讀學士加一級紀錄五次臣錢載謹序

江西鄉試錄序

乾隆三十九年甲午科鄉試禮部奏請江西考官

欽命臣載臣廣運往伏念臣載荷蒙

皇上天恩擢用兩典鄉試三充會試同考官茲復仰承

恩命撫心怵惕感激難名臣偕臣廣運馳驛至南昌屆期入

闈監臨則兵部侍郎兼都察院右副都御史巡撫江西等處

地方兼理軍務兼提督銜臣海成闈外提調則江西等處承

宣布政使司布政使臣李瀚闈外監試則江西等處提刑按

察使司按察使臣歐陽永禱闡內提調則江西通省督糧兼

巡南撫建地方兼管水利道臣靈泰闡內監試則江西通省

驛鹽分巡瑞袁臨兼管水利道臣李源內簾監試則江西分

巡廣饒九南兼管水利兵備道臣秦承恩內簾掌卷則建昌

府同知臣凌治德肅清內外恪共厥職於是進學臣文垣

所錄士屬闈而三試之臣載臣廣運率十四房同考官臣程

化鵬臣邊學海臣鄒朝陽臣梁鳴岡臣汪志仁臣鄧廷輯臣

朱廷基臣李三聘臣張念淳臣米錦臣韓泗臣錢大章臣蘇

遇龍臣黃應超敬謹將事悉心校閱三場竝重已落之卷按

閱不敢不盡循例取中正榜者九十四名副榜者十八名選

錄其卷恭呈

御覽臣載例得颺言簡端竊惟

國家設科取士務在必得真才洪惟

世宗憲皇帝諭旨文章以清真雅正爲宗我

皇上特申諭旨令直省學臣鄉會考官非先輩大家之理法
者置勿錄並

欽定四書文以爲之程式江西昔所稱理學節義文章之鄉
也匡廬之山彭蠡之水氣象清雄應時鍾毓蒙賴

聖天子作君作師久道化成士生其閒沐浴詩書禮樂之澤
涵濡豐亨裕大之庥父以是教其子師以是教其弟太平之
樂既無踰此日則人文之蔚興其在斯時惟是臣心有所知
力有未逮體我

聖訓懷以

帝臨畢日之功夜或數起于四書文則取其理之醇者氣之

昌者既惟先正之是規而先無取其速化之術蓋俗學揣摩之習有所謂墨裁者流轉于人閒而效尤之未能遂至于支離廓落顧其聲調諧協藻采斐然則必其苦志寒窗非誦讀之既深者不能作臣亦閒收之而不敢棄也二場詩格輒有佳句而篇或未純三場對策臣仰見

皇上廣求遺書彙鈔四庫

親加甲乙

賜題宸什所以風示天下士子之讀書學古而問以前人之編纂書目竝仰體

聖人教養天下而每歲秋讞

欽恤刑典之至意而問以江西白鹿洞書院之教規問以江西古今之文派問以江西社倉之利弊問以鄉飲酒讀瀝禮

輔于刑之制則見其胃亦有書樂能數典且其中實有傑出之才敷陳昭晰文氣充然不詭于正臣于是而益知大聖人九重宵旰仁漸義摩之風覃被于日遷善而不知爲之者之至深且厚造物乃遞鍾遞毓以荅皇心以備器使斯固有其隱然而顯者矣臣載拜手稽首敬以是爲

國家慶也維時恭膺職守者太子太傅內大臣文華殿大學士兼禮部尚書議政大臣仍管兩江總督統理河務臣高晉署理總督淮揚等處地方提督漕運海防軍務兼理糧餉臣嘉謨江西分巡吉南贛甯兵備道臣錢策鎮守江西南昌等處地方總兵官臣張兆璠鎮守江西南贛甯袁臨等處地方總兵官臣蔣萬欽署南昌府事撫州府知府臣許蔭楷例得

備書內閣學士兼禮部侍郎紀錄一次臣錢載謹序

蘅石齋文集卷第六

終

蘅石齋文集卷六

八

韓石齋文集卷第七

秀水 錢載 坤一

序三

武會試錄序

欽惟我

皇上文德誕敷

聖武懋昭文武二柄兼施竝濟而作人之化歲以加隆乾隆乙未秋九月武會試屆期部臣按典以請

上既命內大臣署鑲紅旗蒙古都統多羅誠郡王宏暢正白旗漢軍都統范時綬署宗人府右宗人署正白旗蒙古都統正藍旗護軍統領奉恩輔國公宗室崇尙正藍旗漢軍都統邁拉遜爲監射官兵部尙書嵇璜左侍郎高樸周煌右侍郎

景福爲校射官於教場分棚監校武舉人馬步箭弓刀石乃
命臣載偕翰林院侍講臣金士松爲主考策論官時則知武
舉官兵部左侍郎周煌詳密綱紀內外簾各官恪供厥職臣
謹與臣士松入簾發題暨同考策論官戶科給事中巡視中
城監察御史臣戴第元吏部稽勳司員外郎臣張培禮部精
膳司郎中臣陳其焜刑部江西司員外郎臣洪朴憑收掌試
卷官計卷分房同矢公慎遴選外場雙好單好字號校以三
場之詞義才識得如額者四十九名既撤棘錄前五名之文
進呈

御覽臣惟武科考校

本朝整飭規條酌中而嚴肅歷久而振勵現行定制頭場試
馬上箭豎立三把各離三十五步弓三力馬馳埒者二回射

大箭復馳射地毬者一回中三箭入二場二場先試步下箭把高五尺五寸寬二尺五寸遠三十步弓五力穀滿直衝把者中衝把根把旗者不中六箭中二箭者乃試弓刀石其弓刀石頭號十二力弓一百二十斤刀三百斤石二號十力弓一百斤刀二百五十斤石三號八力弓八十斤刀二百斤石弓必彎圓刀必舞花石必離地到檣其所試皆三號者不入三場一二頭二號者亦入三場其弓力有能十三力至十八力者聽三場試孫吳司馬書之題論一篇主考官發策問一通校其文理通順合之外場馬步箭弓刀石好字號之數多者方予中式于是出眾者固由是蜚聲而負奇者亦于焉奮翮蓋我國家將帥之任滿洲世臣軼倫超羣人傑輩出古之取爲卿材卽將材也若夫光嶽所鍾直省所在千百之什

一其堪爪牙堪腹心者

祖

宗朝以來篤生踵起實有其人今者

聖天子久道化成栽培鼓作鄭重于其漸進遞升之初斯則
苞桑鞏固宅中乂外本計之攸賴者矣臣幸逢盛際得預
求賢見夫英挺之姿曉習兵家灼然應時以獻爰拜手稽首
以述以備武科之掌故云內閣學士兼禮部侍郎紀錄一次
臣錢載謹序

江西鄉試錄序

欽惟我

皇上至仁至孝健行厚載統壹中外躋堂稱觥之列辟羣臣
億兆民咸俟乾隆四十五年龍集庚子

萬壽七旬大慶之辰上祝

鴻禧

聖心謙受豫

詔使勿有請迺

賜免天下田租一年修

翠華春巡之典

親視河海行慶施惠于東南

特開恩科登進天下賢才前一年己亥鄉試屆期禮臣以江

西請

欽命臣載偕臣虎拜典其事臣載扈

蹕避暑山莊謝

恩蒙

召見便殿

垂詢諄摯翼日還京馳驛抵南昌入闈進學政臣汪永錫如

額所錄士三試之時則巡撫臣郝碩

陛見入京護理江西巡撫印務布政使司布政使臣秦雄飛

爲監臨闈外提調署布政使司印務按察使司按察使臣瑞

齡闈外監試署按察使司按察使印務鹽法兼巡瑞袁臨道

臣李封闈內提調分巡吉南贛甯兵備道臣孫廷槐闈內監

試護理通省督糧兼巡南撫建地方兼管水利道印務饒州

府知府臣萬鍾傑內簾監試南康府知府臣陳洛書內簾掌

卷吉安府通判臣田純整肅綱條各其厥職臣載臣虎拜率

同考官定南廳臣朱昕知縣臣鄭樞臣郝適臣張龍占臣馮

煊臣史在魯臣黃維綱臣郭廷槐臣顏文楷臣米錦臣高蟠

臣劉嘉賓臣鄭九敘臣冷泮林恪循新例分房分卷一堂披

閱得士如額既揭曉錄文恭呈

御覽臣敬謹颺言簡端竊惟衡文取士之道韓愈始竝發公明之義夫有司而至公職之可盡者有司而至明非僅職之可盡矣然苟不明則雖公何益哉仰惟

皇上振興文教

親校四庫全書凡以風勵臣工豈惟衡文是備政治之興烝烝而曰上舉肇乎此也臣蒙

恩總閱四庫之書亦冀銖積寸累工夫濡染卷軸庶有一知半解之得江西理學文章功名忠孝節義之鄉也況乎深受聖朝教養之恩蓋自其高曾以來矣我

皇上樂育天下士子教誨深切豈惟江西爲然則其遵道遵

路奮志而發蹟蓋報禮然也

臣用午科蒙

恩典江西試見其文章具有梗槩此非江山之風氣使然也我

皇上嘉惠士林

欽定唐宋文醇詩醇四書文三書皆文章之淵源機杼關鍵本根大道之所該洽約六經之旨以成文具在是已維習俗之還淳久而乃化當不獨江西今歲恭遇

恩科多士之鼓舞其氣象加盛於疇昔充乎沛然渾灝流轉之文往往而可得信乎江山風氣之昌維南壽嶽之東來至于德安敷淺原起而爲廬阜以翕闢乎大江彭蠡之交其閒之秀靈仰被

大聖人盛德作人之雅化誠有如棧樸叢生之盛者廣哉熙

熙乎如歌大雅矣周之文王壽躋百歲積累之久賢才變化
鼓舞乃如雲漢之自然而爲章于天我

皇上緝熙敬止純亦不已小心翼翼綱紀萬方用是克生濟
濟之多士于以備疏附後先奔走禦侮之助皆由

盛德之感人者深積有歲年惟其綱紀之無乎不勤而後振
作之無乎不應且惟其作之以豈弟之德天壤之內莫不自

得其性如鳶之飛如魚之躍上下各得其所不知其所以
然而然者夫盛德必享於祿壽猶黃流必注于玉瓚德在是

福亦在是蓋自然受福而必然受福也此又詩人櫟栢之義
大矣哉盛德之感人觀于今而益信于古也臣勉竭愚蒙敬

謹將事有以知天下十五闡同風之盛所以爲
昌辰賓興之慶者雖大雅之詩人有所不能形者哉維時恭

膺職守者兵部尚書兼都察院右副都御史總督江南江西
兼管河務世襲騎都尉臣薩載兵部尚書兼都察院右副都
御史總督淮揚等處地方提督漕運海防軍務兼理糧餉臣
鄂寶江西分巡廣饒九南兵備道兼管九江關兼理窯廠事
臣額爾登布鎮守江西南昌等處地方總兵官臣張兆璠鎮
守江西南贛吉甯袁臨等處地方總兵官臣吳掄元署南昌
府事九江府知府臣覺羅伍拉納例得備書內閣學士兼禮
部侍郎教習庶吉士臣錢載謹序

江南鄉試錄序

欽惟我

皇上聖德曰新健行厚載執中建極萬福來同乾隆四十有
五年龍集庚子恭遇

七旬萬壽大慶元日

恩詔覃敷臣民歡洽

翠華南幸江國增春前是

賜天下田租開科取士今歲正科禮臣以江南鄉試屆期請
荷蒙

恩命臣載偕臣戴均元爲正副考官臣載春正奉

命秦蜀以

萬壽盛典行告祭禮于嶽瀆諸處甫竣趨覲 山莊

溫語有加翼日膺

命歲在己亥臣載爲江西正考官歲在乙酉臣載爲江南副

考官疊奉

恩光攄忱悚切星馳抵江甯時則總督臣薩載而監臨安徽

巡撫臣閔鶚元提調鹽法道臣伍拉納監試常鎮通道臣孫

栢整肅場規暨內簾監試池州府同知臣王惟一收掌直隸

州州判借補瀋山縣縣丞臣向大齡恪共厥職爰進江蘇學

政臣彭元瑞安徽學政臣戴第元所錄士如額者局闈三試

之臣偕均元謹率同考官甯國府同知臣甘澍崑山縣知縣

臣費志學陽湖縣知縣臣張希賢儀徵縣知縣臣王學灝嘉

定縣知縣臣姚學甲祁門縣知縣臣沈炳涇縣知縣臣劉立

詮建德縣知縣臣王昌霖巢縣知縣臣史必大全椒縣知縣

臣袁烜來安縣知縣臣胡翠仁天長縣知縣臣萬選宜興縣

知縣臣袁知荆溪縣知縣臣馬世觀靖江縣知縣臣徐玉衡

溧陽縣知縣臣郭占選鹽城縣知縣臣康杰江都縣知縣臣

孫銘彝凡十八房循例分卷同堂披閱三場竝重無敢不力

既得士正榜一百一十四人副榜二十二人如額臣謹循例錄文恭呈

御覽竊惟大江南北洵人文淵藪也江爲一瀆江以北濟河淮三瀆爲自河瀆淮瀆合注于江南之海而山東大清河亦入河大清河濟也水之所注隨山之脈以趨羣山之脈趨東南則秀靈之氣必隨之鍾而洩則今大江南北之人文必有其超軼曩古者然其秀而升者其有所裨益于國家則可以爲人文其無所裨益于國家則不足以當人文臣又伏思人文繁辭也如春林然萬萼揚蕤如錦肆然千純糾采若夫千人之英萬人之傑爲國風雨爲國棟梁則鳳凰麒麟之謂矣夫豈僅以人文當之今江蘇安徽分兩巡撫而總督實駐江甯古金陵也臣蒙

恩以試事一至廣西兩至江西一至山東今年奉使秦蜀名山大川之徧歷復渡大江然後知今日之金陵不可僅如昔人以佳麗目之也自孫吳據有建業司馬劉肅陳李一隅半壁明祖不再傳而已稱爲舊京江山風氣之昌蓋有待也我朝揆文奮武丕冒萬寓

聖祖仁皇帝鑾輅六幸江甯澤流萬禩我

皇上法

祖勤民

翠華四幸江甯矣敷天同慶

皇帝七旬萬壽亙古稀有福備慶長

大聖人大一統之規模蓋于斯而極盛則夫嶽靈修貢川祇效珍且如出雲降雨應時而勃興乘時而利見其足以爲人

文與夫不僅當之以人文者烝爲國華升爲國寶又豈惟大江南北爲宜然而況大江南北瀆靈匯秀遲之又久而必發符

昌運以瑞

聖萃河嶽爲國良則今其時也夫豈偶然哉臣之校閱按理法愼去取雖祇揣心聲于黏名易書以知其濯磨振奮以求上爲國家得人之慶而寸忱所結實惟天地篤生之賢良出爲時用則鳳凰麒麟之在郊輒其在斯時矣此固不敢有欺于屋漏神明而誠惶誠恐誠懼誠忭以上陳于

黼座之前以稍效其一得之愚者維時官茲土者江甯將軍

兼管鎮江將軍輔國公宗室臣嵩椿總漕督臣鄂寶總河督

臣陳輝祖署江蘇巡撫總督臣薩載兩淮鹽政臣伊齡阿浙

江巡撫兼管兩浙鹽政臣李質穎江甯副都統臣武德里鎮

江副都統昭武侯臣圖桑阿松江提督臣李奉堯蘇松總兵

官臣藍元枚狼山總兵官臣葉浩壽春總兵官臣閔正祥江

甯布政使臣劉增江甯織造兼管龍江西新關務臣穆騰額

蘇州織造兼管潯墅關務臣全德淮宿關務臣徵瑞蘇州布

政使臣瑞齡安徽布政使臣福川江蘇按察使臣塔琦安徽

按察使臣袁鑒江安督糧道臣錢金履蘇松督糧道臣章攀

桂松太兵備道臣盛保安徽池甯太廣道臣福保廬鳳穎道

臣基厚河庫道臣何裕成淮揚道臣荆棠淮徐海道臣韓鏞

兩淮鹽運使臣倉聖喬江甯府知府臣李士珠例得備書禮

部左侍郎紀錄一次臣錢載謹序

釋石齋文集卷第七

終

撫石齋文集卷第八

秀水 錢 載 坤一

序四

金先生蔗餘集序

先生之學學於宋元之儒者也說諸心修諸身不事口耳之習先生之詩由唐入宋者也獨居寡務陶冶性靈不涉名流之聲氣雍正癸卯舉於鄉再上公車泊然自守少多疾通醫藉供潔白之養積書數萬卷教其子砥行立名一門之內謫謫如矣南湖之東買耕舍一區種桑百本槿籬四周曰俯仰其中自幸生長太平晚而衣食纔足靜觀萬物之理詠歌堯舜之風人有知先生者接之始終靡間其不知先生者亦不求其知之也載承先子命幼及于門先生懇懇款款教以勉

承先緒而家君學超又嘗從載授讀既客京師七年歸登留
餘之堂而先生病矣學超司鐸昌化今年春病少差載請得
詩集編次焉先生歆然曰吾本志不在是是烏足以言詩哉
蓋平生所作不多存今所存者僅一百五十四首謹釐爲四
卷曰蔗餘集以俟夫後之讀之者卽不知先生亦可以知其
所學之大凡矣乾隆乙亥七月朔門人錢載述

查天池詩集序

雍正乙巳交于同郡朱子霖齋陳丈書綠祝子宣臣始時聞
稱海甯查君天池能詩蓋朱陳祝之友善于查也素矣乾隆
辛酉壬戌讀書德清餘不溪上嘗遇君弟子又知君讀書臨
平山中從而游者日益盛既來京師久歲癸酉查君令子蘧
林以貢入成均相見詢君起居又三年蘧林奉君近詩兩集

述君言來屬序載惟君之以詩名者三十餘年矣雖老困場
屋而教授生徒恬然具山水之樂喻道于文益流真氣矧仰
承家學查氏代有詩人人有詩集君之所作又不僅其前人
之緒餘也載何知乃以序其詩蔭林試于京兆不得舉而歸
歸而丁母夫人之憂逾歲而君之悼亡詩又至矣載既無所
以復君南望輒爲之踟躕且回憶昔時稱君詩者惟祝子以
舍人官京師可曰相見朱子陳丈已先後歿不可見矣而今
載乃始遠與君定交楮墨之間猶未獲覩全集將欲從祝子
其歎賞所作而君固未克聞之也然則人生境遇一切合離
久暫之迹洵有天焉于此亦可觀已君方以讀以耕以俟晚
成他日未知當與君相見何所行請篇帙之全而一一論次
之乾隆丁丑八月九日題于藜光橋之寓舍

紀心齋楚游集序

雍正辛亥詩翁南潯茅渠睂遠游歸偕載倡酬禾中比十年所嘗爲道其里紀子心齋工詩載心嚮往之而未之見也後相遇都下又未見其詩及同登進士同改庶吉士始嘗見其館課及同散館乃數見其書懷遣興之作時方讀杜所作特老蒼心齋性伉爽而與人也樂易其于詩往往用古誼據今情所持論不必宋以後既奉太夫人諱歸貧不克葬謀于所親入杭州渾錢塘踰玉山折趨景德鎮抵南昌汎鄱陽九江至漢口武昌出安慶循大江而下越日百二十得詩一卷既還朝改官御史暇復刪存之俾載以序則見其古體變異獨造非恆蹊近體五言高可企河嶽英靈中興開氣諸家嗚呼勞者之歌半在中年所不忍忘詎關游歷今茅翁以廣文退

休且八十有八歲矣心齋盡錄寄之以一發其壯盛之離愁
乎蓋卷中江山名勝皆茅翁辛亥以前所登涉也乾隆壬午
春正書于丞相衙衙之寓屋

海昌祝氏重修宗譜序

海甯縣今升州之祝氏在元時其三五承事自枯蒼來遷
至十一世起家進士爲虛齋先生先生我錢氏之所懷德不
忘者也我海鹽之錢起家進士爲臨江太守琦實偕吳南溪
游先生之門載修錢氏族譜及狀誌碑傳則首錄先生明故
處士錢公墓誌銘賜進士出身奉訓大夫工部員外郎致仕
海甯祝某撰者處士臨江考也我先德之見于文實始先生
浙西稱園花鎮四姓曰查祝許董龍山之祝茶磨山之許其
風氣樸厚夙孚他姓臨江先太常叔也臨江既學于先生而

其子師臨江曾孫文學以默又爲之聳太常爲許雲村先生
道義交以女妻其子侍御聞造雲村致給諫而歸學于姚江
王氏其同學有若夾山董蘿石給諫之墓所謂大還岡者祝
氏龍山祖墓相近也嘗登龍山登祝氏濟美之堂獨未見葆
光居之牡丹查初白先生所賦詩者然于兩姓先人切切嚮
往焉蓋自其少日有不忘者矣今乃以三五承事十九世孫
咸章重修宗譜序之屬讀其舊序攷其譜法仰其世德猶髣
髴臨江之握衣升堂請業請益于先生然則以錢之後而爲
祝之譜序也其宜亦其幸也先生之耳孫孝廉開美先曾祖
雍頌孝廉同學于戟山劉氏少司空惺存季女先高叔祖文
學君政之元配先祖兄弟濟美堂羣從康熙間往來中表內
閣典籍宣臣載相友善者四十年學使芷塘又同官翰林今

序學使來請也而載適修臨江之譜先生講道海上之州三百年以來不惟祝氏其流風之隱然有以被及者蓋可得而思然則譜始于先生而一修再修蕃衍其先緒至今嗚呼君子之澤可以觀矣雍正辛亥訪茶磨山讀雲村先生墓則家則于其宗祠之碑乾隆乙丑嘗讀先生嘉議堂之集夫祖澤未有不艱難者而敬宗收族凡所以譜之心未有不原于類此者他日歸做廬于永安湖敬拜先生之祠而重登龍山且重訪茶磨山焉乾隆四十三年閏六月初

屠氏重修族譜序

族譜孝弟之道修譜孝弟之事攷於史古人重譜學於是有族譜之撰厥後更有家譜戴記大傳云尊祖故敬宗敬宗故收族儀禮傳謂大宗者收族者也則夫族譜蓋收族之尤切

者惟親親故尊祖而敬宗而收族親親人道之始蘇明允譜
蘇氏之譜立法甚嚴夫譜法不可不嚴也其言曰吾之所以
相視如塗人者其初兄弟也兄弟其初一人之身也一人之
身分而至於塗人此吾譜之所以作也其意曰分而至於塗
人者執也幸其未至於塗人使之無至於忽忘焉可也觀吾
之譜者孝弟之心可以油然而生矣嗚呼孝弟親親之至此非
獨蘇氏譜宜云爾也然猶以爲何忍言至如塗人哉惟其
非塗人而已至於如塗人也相收亟矣此則譜之外之所事
者與嗚呼人人親親而尊祖敬宗而收族而天下大治矣嘉
興屠氏之譜康僖公所作王文恪公序之曰原其同則不迷
於所出辨其異則不混於所施二語足以見其譜法之善今
其裔孫霑

聖化守家法承屢修後重修其譜則孝弟之事也載嘗見康
僖公之墨蹟未嘗以書名而其書如顏平原然後歎先哲之
所以傳世悠遠詩書科第蕃衍有非淺識所能窺其際者嘉
興在明正統壬戌進士如文懿呂公襄毅項公同榜同年也
越六科成化己丑公登進士今郡城東角里街屠康僖公之
祠巋然獨存行路者指稱屠家祠堂又呼爲三牌樓載少時
曾入祠之外屏觀所立碑以敬仰焉公籍平湖今子孫居郡
中者不少而凡當日所立祭田歷久無所闕失則公之遺其
後人者可以思已重修諸君來請序謹寫其心之所僅知者

宣南篋存彙序

承先人之澤爲舉子業未能探極本原少年氣盛徒以詩酒
遣貧不殖而落幸進于有司其果何所挾持邪俛仰時趨無

可自蓋今者以篋篋之猶存也連而錄之誠欲書其座主總裁本房舉主之姓氏官職藏于家志不忘而固無當于外人既官翰林凡夫當職之作非若歐陽公之可以不得專一白譚而南豐先生之可以爲中書舍人之所盡觀也顧其閒寶有國家之典禮當職甚少然盡芟之則莫由省覽乃如清真石帶少輒好之最後見錢唐厲徵君之筆而爽然于年力之不可追而及夫得者自得能者自能凡事類然況斯文乎所居宣武門南編次以題榆陰在庭而東隅之失多矣豈其歲晚之不能與蓋少日之不知也非少日之不知而壯日之不學也悔何及哉悔何及哉乾隆甲午夏秀水錢載自序年六十有七矣後此者其亦入之無可取也僅不棄之

蕓石齋文集卷第九

秀水 錢 載 坤

序五

座師 予告禮部侍郎鄒公八十壽序

乾隆乙酉六月二十一日爲

誥授資政大夫少宗伯小山鄒先生八秩誕辰今年九月門下士官于朝者豫謀所以壽而先生書適至命載曰僕媿薄德無益于世蒙

聖主恩賜歸田里六年以來修譜修祠修塋修社聊且畢家事矣天棄樗櫟明年已八十又何足道惟是

君賜之閒遭逢景運宜有以紀之于齒長其爲之辭載奉書以諗于同門生僉曰先生之躋大耄而享

君賜之閒是即天之所以徵先生之德矣又曰先生少貧偕

誥封夫人惲夫人楷柱舊門實勝勞瘁登第以雍正丁未晚

遇而紆徐不驟崇列卿貳初居詞垣

天子龍潛即鑒知其樸學兼繪事

聲蓋古直之道自諸生而已然

嘗值五更籠鐙入朝僊從肅然望而知爲鄒公之輿也王申

副會試總裁出門下歲之壽日嘗以菊黃候舉觴聯句賦詩

先生視黜學六年所造士之官于朝者咸在座經訓紛綸恍

然覩前哲之典型如是已卯春南歸送先生出廣渠門過古

寺持畫梅一贈老僧曰十年之諾不可負今南歸矣蓋先生

無畸行無誕節神明于六藝之奧以從容乎中庸之塗顧猶

自視歆然若此于以徵先生之德所以承道鄉之遺緒者遠且長也載曰先生去道鄉先生二十世順治己丑狀元內翰

林祕書院修撰海嶽先生爲先生祖載舊藏有前明提學副

使愚谷泉州太守木石兩罍蹟鄒氏之文采風流代聞于江

左至先生與兄學士慎齋先生同官翰苑乃更熾昌近讀族

譜所作諸小傳藹然惻然孝弟之心溢于楮表先生之所以

尺寸兢守誥教其後昆者愈返本而愈抑下且先生固自言

之矣戊寅冬請告

天子賜詩寵行載

賀于庭先生曰某平生譬如諺所云秀才

三等文章也雖然大不易庇先人遺澤遭逢

聖主恩遇幸遂始終某之觀于世也久矣先生旣歸道鄉祠

屋在西神山麓暇則攜子孝廉君徜徉泉石課長孫抱幼孫

里之英俊請業者輒敦勉不倦辛巳冬恭屆
慈寧七旬萬壽大慶來京祝

釐

春詔圖形于致仕九老之圖 賜杖趨朝極儒臣之榮遇壬午

御舟南幸先生扶杖以迎于水次明年春

上四舉南巡先生適年八十長洲沈大宗伯歸愚先生年九十有二人于先生爲小門生家大司寇香樹先生年同八十于先生爲館閣前輩皆相衿契二百里間三老臣皆圖形九老身康彊而子孫逢吉扶 賜杖以恭迎 龍旌于玉梅金柳之旁盛矣哉

聖世人瑞非甚盛德克荷栽培其可以易而致此也乎 載辭

覲縷門下士俱欣然樂俾載謹書之以復俟孝廉君張錦于堂以介我師暨夫人之侑雙厄焉

陳汝定先生七十壽序

載未第里居時聞今相國榕門先生爲政于吳闔然以道自任而始稔粵西人物之在陳氏也既官翰林于相國爲後輩賢孫松山又同官而始稔陳氏之有家風也歲己卯

天子命載典粵西鄉試得陳生鍾琛則相國季弟汝定先生之子詢之同榜生盛稱其尊甫行誼而始稔先生陳氏之孝弟長者也臨桂之西鄉奇峯連連三十餘里一峯獨橫曰橫山又曰獅山陳氏百家廬其下先光祿公樂善循理有隱德丈夫子三長封奉政大夫九十歲時蒙

聖恩賜額友恭篤慶者也次相國次先生自其少時隨相國

受書于奉政以光祿公劉太夫人家計曰拮据乃獨力佐摒
擋躬習農圃業織嗇治生謂不惟抒堂上心使兩昆謝近務
紛營得專致于詩禮以亢我宗以啟我後此則先生之所行
至于今固明效大驗者矣相國官江南光祿公劉太夫人先
後就養考終靈輜之歸先生獨跣足萬里及安窀穸兩昆一
手倚之相國歷秉節鉞廨內之務先生又嘗獨力佐之使相
國得盡心于政事而凡所欲振其家者宗祠之立祭田之置
儀數與規條畢備也所欲濟其鄉者社倉之設橋梁達路之
修村東蓄水大堰之重建旱潦是資而往來是達也蓋惟光
祿公隱德平昔教言實挈其端緒而相國爲善承之顧不得
先生之力則三數十年以來成就之而整頓之者豈必其盡
釐然若斯也哉然則弟于兄者固卽孝于親也而人之靳進

於學問者亦從可識已方先生六十歲壽之者美其克庇後
而鍾琛舉于鄉今鍾琛官 畿縣三年矣而先生今年政七
十鍾琛乞 載言以爲壽夫 載則安能壽先生哉先生之所以
壽者惟其有先生之德則鍾琛之所以壽先生者必其有鍾
琛之德鍾琛之爲政于撫甯也先生教之矣愛其民忠於國
見利必思其義改過必遷于善果其夙夜動靜一皆以先生
之心爲心則蓋亢其宗者誰敢其後而可以爲先生壽矣則
今日粵西陳氏之風其亦既推充之而見于行事乎則鍾琛
其率兩弟以奉先生觴乎是爲序

王惺齋六十壽序

載退朝發山東書而笑曰王尙珏未之識也余之離鄉也二
十七年矣甲戌請假歸未嘗見惺齋于里也余家之東又數

十家明殉節隨州徐公祠屋君十五六歲初爲諸生隨其妻兄讀書于祠屋今尙珏之書乞言以爲君壽且致其弟尙繩補縣學生之文余是以喜惺齋之六十歲而其子又皆爲諸生也方其讀書祠屋也一日過其妻兄見君讀韓集後漢三賢贊此雍正幾年也乾隆辛未君會試中式朝考

上欽命題後漢三賢賦余時竊以爲遇豈其天邪天豈其將厚之邪而君之卷不中選余是以嘗怨惺齋也成進士矣得縣福建數月而罷歸自其新坊移家郡城不戒于火乃挈室以復至福建爲書院院長而近又于山東使其久于其縣也其所自見豈僅止此而止此也雖然友教四方抗顏而爲人師今襄平徐公績贊撫山東其下第授經都下之弟子也延以主灤源書院然則君之教于人而成于人者蓋可思以視

余之竊祿于朝碌碌無所自見惺齋其又何以望余也哉然而尙珏過矣尊甫先生學震川歸氏以爲文者震川歸氏之爲人父母壽也皆以古者於禮非如世俗之所以壽而遂以爲其人之父母壽則今者余其震川歸氏乎其不見震川歸氏乎往時讀書新坊周家見新坊閩閩雜遝君起新坊閩閩中余之不見新坊四十餘年矣其水舟所嘗行也其稻畦桑壟與夫周家之前院辛夷後院牡丹皆嘗見余十四五歲也第不知惺齋其時八九歲讀書某塾也而今乃與余皆白頭以稱翁也乎又嘗聞惺齋之登第而歸新坊聯巨舫如堂朝服進酒拜以壽其太公太母金鼓笙笛沸水上兩崖走觀者皆以爲笑則今者尙珏兄弟其以余之文當君家水上之金鼓笙笛則尊甫先生之笑且有甚于兩崖之走觀者也是爲序

吉母錢太宜人八十壽序

通政司副使吉君奉賢母錢太宜人于京邸今歲庚寅八十
歲矣耳聰目明日當猶時時走省家務課孫背誦猶能作小
楷書二月初九日誕辰同朝稱觴屬載爲文以壽載年家子
固以母事太宜人況其同姓大江以南浙東西之錢皆系出
吳越則今日之上壽而親切言之者宜莫如載也蓋世之賢
母如太宜人可謂難矣隱君御天先生居丹陽與遺老郭世
通湯賓結詩社嗜古多藏法書名畫客至彝鼎滿堂而以小
學孝經四子書詩書易禮春秋授其女是卽爲太宜人晚乃
教授里中而封公煥文吉先生從之游隱君器吉生遂以女
妻之吉氏雖舊門而中落封公與伯兄雖織齋治生而食指
繇衣食亦才足然太宜人之歸而事其舅姑也視力所能無

不致者舅將歿遺言後其弟以仲子是卽爲封公而其弟之家則貧甚于是生養死葬又幾瘁矣封公故治生于外伯仲兩家故同爨而實倚太宜人一身操作于內蓋吉家之得食而無乏者皆倚太宜人操作于內而以食之也吉家之得衣而無缺者皆倚太宜人操作于內而以衣之也此非副使之爲載言之載房師前侍御今吏部郎隍公爲載言之也隍與吉同縣締昏姻知太宜人之艱勞也稔蓋四十餘年所載嘗轉以詢副使色悽然而不能荅諸口也副使兄弟方就學無以延師則去師其族祖晨赴而暮歸則太宜人自教之授之文義一不如法則扃戶而予夏楚不聽勸止也旣長詩書易禮春秋皆親授之以是三子皆通知經義拔萃士林長夢賚副榜教諭次夢熊進士副使次夢蘭進士改庶吉士前年副

使之子士璜又舉京兆今孫七人半列爵序曾孫七人皆駸駸嚮學然後知隱君當日之授其女也蓋天之將以興吉氏也夫爲善者其家必興而天之欲興其家也則必使賢女子以佐之其事具在詩篇及史傳今觀于太宜人之于吉氏而吉氏之先德從可思已雖然藏因是爲太宜人告副使也朝典以夢賚

覃恩推其親封孺人以夢熊晉封宜人明年恭遇

慈寧聖母八旬萬壽大慶之年

天子錫類宏敷行且膺加

寵命然此太宜人所自致而不足以盡副使兄弟之孝太宜人不能執綺先公之歿至今素服則今日設錦悅舞采衣而固不足于所以歡副使侍

皇子講讀亦既有年則本母氏之教裨益且達于上而猶不足于所以養蓋必深體太宜人之力其貧而鮮侔晨葩潔如白華然後可以養蓋必深體太宜人之力其貧以食人衣人而衣人食人之不徒行于其家然後可以報母氏之恩也與載豈特錢氏子爲太宜人侑觴而饗及是哉吉氏子孫他日其有不徒知之者已

從嬖沈孺人六十序

從子策再拜請曰我母今年六十矣生日爲九月六日我父沒以乾隆辛酉四十有四歲秋試得疾也十有四年來策與弟慤賴母而存外祖沈翁沒以康熙庚子十二月我母二十有三歲歸我父越三年而外祖沒也外祖母曹孺人生一女卽我母沈翁晚而未育子己亥婢張甫舉子而翁以庚子沒

舅名同生既娶矣三十有二歲無子而亡我母于母家蓋始終瘁心于是言未既惻惻不能聲嗚呼載知之矣此從嫂之孝之善全其隱曲者沈氏自少保繼山公四傳爲靜若翁代艱于子靜若翁既遺二齡孤而其母張又遣去矣曹孺人治家素嚴而法卽遇子女不少假顏色嫂故常依母家以居體翁志扶持弱弟以上得母孺人歡意良苦而又孰料弟之無子蚤世也策乎天下事之不能以心力遂者類有然矣然而其賢其明故自不可以沒今策將乞言爲壽而陳及之是卽策之知所以孝者已我家自太常公侍御公在明以直諫聞與少保公建言後先輝映嫂少保五世女孫策慈侍御五世孫策平慈平歸而求于家令緒猶傳宜若何其負荷載不能以有以壽嫂序其事俾策慈讀之怍怍于懷是卽嫂之自克而

遺其後者已謹序

蘅石齋文集卷第九終

蘅石齋文集卷九

蘅石齋文集卷第十

秀水 錢 載 坤一

記一

黃梅花圖記

丁君易東送其子維垣應京兆試語之曰吾家黃梅花故事
得乞今代山水鉅公復圖之其亦可也於是丁子至京乞圖
於李穀齋憲副他日以屬載題後而具告焉去嘉善縣治三
十餘里有湖曰沈香宋之南丁氏自汴京來世居湖濱理宗
時祖五三翁手植黃梅一株于庭閱元倪雲林楊廉夫皆有
詩及明而董文敏始爲之圖陳徵君又爲之記蓋五百年所
三榦屹然入本朝康熙閒猶寒英燦發也易東祖豫庵文
學嘗咏以七言十二首見香湖草堂集中不知其摧殘何歲

株朽無存而香光之蹟亦已失貯久矣五三翁八傳而爲清
惠公清惠之孫卽豫庵文學豫庵曾祖贈尙書號懷梅高祖
贈尙書號梅隱斯愛斯傳護培累葉然則黃梅固丁氏之嘉
樹今雖不可復見而追圖髣髴庶幾無忘先澤之意哉夫郡
有五百年物其亦不可以弗識也且丁氏盍卽所居而補植
焉俾如雲林廉夫者一再咏歌之又豈特斯圖之足觀已邪
湖之寬逾三十頃四岸無山秋時彌望蘆葦李公固未嘗扁
舟過也圖中作瓦屋數楹三榦者磊砢臥階東屋前後長松
離立帶以巒阜則其意匠正未知于香光舊本爲何如矣

王氏宗祠記

吳江王氏之先諱壽者元末自桐鄉來居縣西之梅里生良
輔良輔生彥激彥激生守仁守仁生宗吉字樂善遷縣中今

王氏子孫所稱樂善公者也蓋王氏之大寶自樂善始樂善
生子四月湖賢中丞哲芳洲明僉事敵今則惟僉事之支爲
藩中丞事在明史宏治庚戌進士以御史巡按福建廣東江
西以僉都御史巡撫江西其沒之入也官立祠于縣後以公
弟芳洲之曾孫萬歷癸未進士御史贈光祿少卿有功耐焉
鼎革祠廢矣先是嘉靖甲子中丞嗣子度爲公作廟於正寢
之東則同縣周恭肅公爲撰王氏家廟碑謂今制品官得立
家廟祭其高曾祖禰並稱禮有始爵之文別于與初爲大夫
者宜以爲子孫世祀也歲久家廟亦廢矣僉事衙指揮僉事
也僉事之孫太學生訪字培槐自縣遷城東十里之同里鎮
至于今子孫五支農耕士讀霑被

聖朝化澤百有餘年以來冠昏伏臘家風僅而不墜于是本

其先有祠有廟之遺意卽同里率錢建宗祠以敦祭禮乃追祀其樂善公乃復祀其中丞公乃增祀其僉事公乃復祔其光祿公一堂三楹不侈而恪其事在乾隆己巳又二十年所而以刻石來請載惟王氏之大實始于樂善封君則今之由中丞初爲大夫而推孝思之永也同里之藩皆祖其僉事則今之由始遷同里而推別子之義也而中丞暨光祿則固修舉其舊儀嗚呼王氏同里之子孫其善行禮者哉夫大姓望族其子孫而賢而通知禮意以安處其鄉其究也足以上裨朝廷風教矧今王氏同里之子孫已有其登第而仕于朝者乎則今而後以孝以友以保其世祀雖以仰承來居梅里之初志也可矣乃爲之書

陶氏洛山墓田記

秀水北有金橋縣治北二十五里有水曰雁蕩宋之南渡扈
蹕而來者有陶氏家于金橋元巴延兵南下德祐詔勤王陶
氏有菊隱者散家財集鄉勇以拒戰于橋下其潰也室廬盡
焚乃避于雁蕩宋亡結村屋曰忠孝堂巴延物色之乃遯于
杭州之洛山其地兩山相對茗水西來橫貫而東外祖家蘇
姓居其間乃姓蘇而依其居挈其子君疇耕田于山之下水
之上其沒也負山面水以葬焉今其墓林五百年矣中爲蘇
太公提舉墓則仕于宋而陶之外祖非邪左爲菊隱暨君疇
墓則陶而耐于蘇也右爲三女師墓則陶女避亂不嫁爲尼
所謂淳正安道明真者也嗚呼陶氏菊隱之艱貞其元之頑
民與其宋之義士也杭州府志義士陶菊隱墓在洛山錢王
潭左嘉興府志陶菊隱與趙孟頫殷澄稱秀州三義士洎世

之平其孫允中宜中始歸于雁蕩遂以山中田奉墓下祭夫
壟墓之棘荆荒蕪土田之汙萊侵奪高門右族所不能無于
是陶墓之田蓋屢廢而屢復矣其復于明宏治間者雁蕩之
子孫楷照勳也其復于崇禎間者曰發元采廷煜也已而兵
亂暴客踞其地

本朝順治十有六年曰發泣白于當塗而歸之百餘年來又
蝕于他人乾隆三十有三年曰發之孫寵綏又力復之今洛
山蒼蒼山下田七十畝者是已嗚呼三義士也五百年以來
陶且若是而尙未艾我不知趙殷之墓何山何水而其後何
人邪吾知天之必無靳于趙殷也孟僩號月麓宋宗室家黃
巖文丞相開闢江東浙西俱辟以行元兵執孟僩而欲官之
乃避居于嘉禾澄字公衡家華亭元將楊埽地欲屠其境澄

仗劍叩軍門以死爭而境獲全巴延授之軍民總管乃避去于泃上嗟乎牛山同盡然當其未盡不可使之盡吾豈敢謂忠孝節義其人之必無窮哉夫天道固有可知有不可知者已菊隱佚其名

紅藥坪記

職方汪君秀峯官京師曰嘗索其縣潭山館之詩久而未能以應也去歲丙午乃列其園中日增之景而一時名流未有詩與文者俾擇之加粉澤焉余乃記其栽勻藥之坪歛縣之南三十餘里有水曰縣潭潭之西玉屏山山之後仁源而山館在源之口舉夫山與潭之勝高下左右松蘿花竹之映帶一一品題而名之皆可喜則職方之意之所寓而固使覽者將徧游其閒也京師豐臺種花人三月春暝時盈筐壓擔清

曉入右安門賣芍藥花于南城之市最後出者花愈大而香
益深蓋昔之芍藥盛于揚州今之芍藥盛于京師也余歸田
四年矣豐臺之花不得見而憶之輒不能忘則今者非取乎
職方之所寓而直以爲我意之所寓也且職方嘗餅供折枝
以飲我于寓堂矣則夫回思往復歲序之駸駸豈不蹶然于
斯言之可已而不已也乎抑不知山館平衍之處之所栽如
宋王觀譜所謂朱氏南北二圃五六萬株之盛盛否邪我將
登玉屏絕高處嘯雲樓以盡攬園中之勝而一慰盈筐壓擔
之思焉職方其許我哉乾隆丁未初夏錢載記

蘭課子圖記

郡城東呂文懿宅其後碧山學士黃公洪憲居之高祖母黃
宜人學士姪給諫公承乾之女我祖又鶴翁嘗居學士碩寬

堂之東屋土阜壘石爲山莓垣相隔垣東銀杏一株雷火劈
圻杈枒生枯近千年物也其下數楹題曰蘭堂康熙辛酉沈
韶寫蘭堂課子圖講然須睂獨坐大石袂衣樓扇旁立而背
誦者第五伯父燁八歲執團扇立伯父後者先大夫六歲沈
治補寫其樹于大石之後蔭樾扶疏蓋四十九歲小像也是
後定居東門內讀易堂大夫歲時常挂是圖于回谿翁于經
書李漢所謂通念曉析尤好左氏春秋四書文七十六首大
夫篋藏根柢經史宅文散佚僅論十首陸陸堂先生奎勳表
弟也其時論次謂似持正集中手意嗚呼庚辰捐館八十有
九年矣載生戊子未得見我祖也今者泝洄當日親戚中外
門閭風範文字討論罔渺然其不可見矣銀杏之處猶存四
十年前常過而低回其下我祖小像二其一撫長松披襟獨

立藏之後樓癸卯歸來失去矣是圖奉至京邸獨存況乎世
父先大夫幼齡之容貌皆在而圖之傳已一百有八年夫畫
像歐陽公所謂識其面目蓋思之而不可見見之而致其思
而況于先像乎先世貴四翁孟寬翁失像有像自養素翁載
重畫先像于京師顧先妣像尚闕丁酉在濟南連軸篋以付
家人還南舟漏壞于水年來復重畫蓋有天幸焉次第得養
素翁元配周氏繼室朱氏朴庵贈公配楊宜人兩涯封公配
鄭太孺人魯南公元配俞孺人五像而祖妣像始備嗚呼載
非曰妣像更重也夫不有母何以生其子乃今錢後多不知
妣氏者夫是以記蘭堂圖而羅縷以告我後之人

南宋秀邸月林書院硯記

載八十三歲老矣久病則加老焉求所自娛而及於硯又無

錢以購古之名硯也今乃得此硯以市尺度之修一尺二寸廣七寸背刻秀邸月林書院六大字筆蹤近李北海端州石甚發墨墨池甚大使南唐李後主見之豈不暢然於撮襟之書何止金錯刀邪宋高宗元懿太子薨適選太祖後秦王德芳六世孫子偁之子伯琮育於禁中最後賜名昀禪位是爲孝宗蓋生於秀州杉青牖之官舍子偁紹興十四年卒於秀州封秀王孝宗同母兄伯圭光宗初封嗣秀王此秀邸之所從來矣書院之設盛於宋卽孝宗賜名瑗時趙鼎議立書院於行宮教之名資善堂則秀邸而有書院不亦宜乎甯宗慶元二年以秀州爲孝宗毓聖地升爲嘉興府則秀邸之在嘉興其月林書院雖莫可考當卽在嘉興而硯故書院之硯也不知其塵埃廢棄湮沒何所迄今且五百年有餘豈不重可

寶惜乎乾隆戊戌購政和鳳池硯於京師琉璃廠嘗作七言
以歌之今年復購一政和硯於東城之書市奇哉一手所琢
也今又獲此得不以爲希世之寶乎哉庚戌十二月七日百
福菴書